



Komunikado

25 di òktober 2019

CAft: "Aruba ainda no ta tumando suficiente medida pa alkansá mehora sostenibel di finansa públiko"

Oranjestad – Ainda no tin suficiente bista riba mehora sostenibel di e finansa públiko di Aruba. A base di e di dos reportahe di ehokushon, Kolegio di supervishon finansiero Aruba (CAft) ta spera ku lo alkansá e norma di défisit palabrá pa aña presupuestario 2019, pero ta bai pa mas ku esei: den e protokòl di koperashon entre Aruba i Hulanda eksplísitamente ta stipulá ku e gastunan i entradanan ku ta forma e base di e sifranan, tambe mester kontribuí na finansa públiko sostenibel. Den e kuadro aki, e gastunan di personal mester keda denter di e norma palabrá di 479 mion florin.

Konseho pa instruksjon

Riba 23 di sèptèmber 2019, a base di e Ordenansa Nashonal di Aruba di supervishon finansiero temporal (LAft), komo klousura di un proseso ekstenso di skucha i duna reakshon, CAft a manda Konseho di Minister di Reino un konseho pa duna Aruba un instruksjon.

A konstatá ku e pais no ta tumando suficiente medida pa logra realisá un mehora sostenibel di finansa públiko. Ademas ta esensial pa apliká e norma di gastu di personal kual ta stipulá den e protokòl di koperashon Aruba-Hulanda 2019-2021 di 22 di novèmber 2018 i pa pone e reforma fiskal den práktika. Dependensia di entrada incidental ta demasiado haltu, loke ta trese riesgonan kuné

Gastu di personal

Pa loke ta trata e bahada di gastu di personal premirá, e protokòl entre Aruba i Hulanda ta stipulá ku e gastunan di personal - inkluyendo e kontribushonnan di e dunadónan di trabou- lo por monta te un máksimo di 479 mion florin na 2019. Mirando ku e gastunan di personal di e Fondo Presupuestario Provisional pa e Plan di Krísis Sosial (IBSCP) ta kai bou di e norma di gastu di personal aki, adishonalmente lo mester baha gastu na 2019 pa por kumpli ku e norma. Konseho di Minister di Reino lo tuma un desishon tokante e asunto aki.

Resientemente CAft, den konsulta ku Gobièrnu, a hasi un análisis di e gastunan di overtaim den e servisionan públiko kaminda overtaim ta tuma lugá mas tantu. A entregá Gobièrnu e resultatonan di e análisis aki. CAft ta spera ku e konklushonnan i rekomendashonnan lo ta di ayudo pa determiná kon pa atendé ku e gastunan di personal demasiado haltu.

Reforma fiskal

Komienso di e aña aki a start un reforma fiskal a base di kua ta adaptá i, kaminda esaki ta posibel, ta simplifiká e sistema di rekargo i impuesto. Te awor aki solamente un parti di e plan di reforma fiskal a keda ehekutá, loke ku ta pone ku ta eksistí e riesgo ku lo no realisá sufisientemente e entradanan adishonal di mas aña, manera ta intenshoná.

Presupuesto 2019 i 2020

Den su reakshon riba e di dos reportahe di ehokushon di 2019 CAft a indiká ku e ta spera ku e saldo finansiero di e sektor kolektivo na fin di aña lo keda denter di e norma di défisit akordá di 0,5 porshentu di PIB (GDP). CAft ta pidi pa sigui duna atenshon na desaroyo di e resultado finansiero di Seguro Médico General (AZV) i Gobièrnu a comprometé su mes pa hasi un oudit di esaki.

No a entregá e proyekto di presupuesto di 2020, miéntras ku Konstitushon di Aruba ta stipulá ku esaki mester ta entregá na Parlamento pa mas tardá dia promé di sèptèmber. Na 2020 e saldo finansiero mester mehorá ku aproksimádamente 50 mion florin, kompará ku e pronóstiko aktual di e resultado pa 2019. Ademas, komo konsekuensia di e oumento di gastu (22 mion florin) i di e kresemento outónomo di e gastunan di personal (10 mion florin), un ahuste adishonal lo ta nesesario pa logra realisá e norma di surplus na 2020.



CAft a hasi un bishita na Aruba dia 24 i 25 di òktober. A hiba kòmbersashon ku, entre otro, Gobernador, Minister di Finansa, Asuntonan Ekonómiko i Kultura, Konseho di Minister i e Komision di Finansa, Asuntonan Ekonómiko i Organisashon Gubernamental di Parlamento. Ademas, CAft a bishitá Outoridat di Turismo di Aruba (ATA), Órgano Ehekutivo di Seguro Médiko General (UOAZV) i Servisio di Impuesto.

[Fin di komunikado]

Fotógraaf:

Famoso Diaz

Teksto pa foto:

Presupuesto di Aruba no mester ta dependiente di di bon insidental.

Nota pa redakshon – no pa publikashon

Persona di kontakto na CAft:

Sekretariado di Kolegio di supervishon finansiero Aruba

Ray Thuis - Sekretario

Telefòn (+5999) 461-9081 / (+5999) 461-9082 / (+5999) 461-9084

Email info@cft.cw

Internet www.cft.cw

Persona di kontakto pa Prensa:

Jefka Martina

Telefoon (+5999) 512-6861